

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/14, 09.03.2021թ.

Բողոք բերող անձ՝ «Անդրանիկ Գասպարյան» Ա/Ձ

Պատվիրատու՝ «Էջմիածին» ջրօգտագործողների ընկերություն

Գնման ընթացակարգի ծածկագիրը՝ «ԷՋ ԶՕԸ-ԳՀԱՇՁԲ-21/05» գնանշման հարցում

Գնման առարկան՝ Պոմպերի վերանորոգման աշխատանքների ձեռքբերում

Բողոքի պահանջը՝ պարտավորեցնել՝

1. «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի գնահատող հանձնաժողովին դադարեցնել 01.03.2021թ. www.gnumner.am կայքում հրապարակված պայմանագիր կնքելու մասին որոշումը,

2. պարտավորեցնել «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի գնահատող հանձնաժողովին պայմանագիր կնքելու մասին որոշմամբ արձանագրել մասնակիցների կողմից ներկայացրած գինը (պայմանագրի կատարման ընդհանուր գինը),

3. արգելել «Էջմիածին» ջրօգտագործողների ընկերությանը ընտրված մասնակիցների հետ կնքել պայմանագիր՝ միավորի գնով:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին
Հասցե՝ ՀՀ, ք. Երևան, Մելիք Աղամյան 1, ՀՀ ֆինանսների նախարարություն

Բողոք բերող՝ «Անդրանիկ Գասպարյան» ԱԶ
Հասցե՝ ՀՀ, Արմավիր մարզ, ք. Մեծամոր, 1թղմ, 242, 505րև.
Էլ. փոստ andojur@mail.ru
Հեռ.՝ +(374) 94 08 31 07

Պատվիրատու՝ «Էջմիածին» ջրօգտագործողների ընկերության
Հասցե՝ ՀՀ, Արմավիրի մարզ, Վարդաշապատ (Էջմիածին)
Զվարթնոց թաղամաս

Գնման ընթացակարգի ծածկագիրը և առարկան՝
«Էջմիածին» ջրօգտագործողների ընկերության կարիքների համար՝ պոմպերի վերանորոգման
աշխատանքների ձեռքբերման նպատակով հայտարարված
«ԷՋ ԶՕԸ-ԳՀԱՇԶԲ-21/05» ծածկագրով գնման
գնանշման հարցման ընթացակարգ

Բ Ո Ղ Ո Ք

• Գործի հակիրճ նկարագրությունը և բողոքի փաստերը

✓ «Էջմիածին» ջրօգտագործողների ընկերության կարիքների համար՝ պոմպերի,
տրանսֆորմատորի և մալուխի ձեռքբերման նպատակով հայտարարված «ԷՋ ԶՕԸ-ԳՀԱՇԶԲ-
21/05» ծածկագրով գնման գնանշման հարցման ընթացակարգ (այսուհետ նաև՝ Ընթացակարգ):

✓ Ընթացակարգով պահանջվել են հետևյալ աշխատանքները:

Չափաբաժինների նամակներ	Չափաբաժնի անվանումը
1	ԷՑՎ 12-160-100 պոպմի վերանորոգում
2	ԷՑՎ 12-160-65 պոպմի վերանորոգում
3	ԷՑՎ 12-255-35 պոպմի վերանորոգում

✓ Հրավերին կից հավելվածով՝ ծավալաթերթով, սահմանվել է, որ 1-ին չափաբաժնով
պահանջվելու է 4 պոպմի վերանորոգում, 2-րդ չափաբաժնի մասով՝ 8 պոպմի վերանորոգում, 3-
րդ չափաբաժնի մասով՝ 7 պոպմի վերանորոգում:

✓ Հրովերով սահմանվել է, որ գնային առաջարկով առաջարկվում է պայմանագիրը
կատարել ներքոհիշյալ ընդհանուր գներով:

✓ «Անդրանիկ Գասպարյան» ԱԶ-ի կողմից «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի շրջանակներում ներկայացրել է գնային առաջարկ (կցվում է), որով առաջարկել է պայմանագիրը կատարել ներքոհիշյալ ընդհանուր գներով՝

1-ին չափաբաժին՝ 3 463 200 ՀՀ դրամ,

2-րդ չափաբաժին՝ 6 491 280 ՀՀ դրամ,

3-րդ չափաբաժին՝ 5 353 530 ՀՀ դրամ:

✓ «ԷԼԵԿՏՐՈՇԱՐԺ» ՍՊԸ-ն «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի շրջանակներում ներկայացրել է գնային առաջարկ (կցվում է), որով առաջարկել է պայմանագիրը կատարել ներքոհիշյալ ընդհանուր գներով՝

1-ին չափաբաժին՝ 578 643 ՀՀ դրամ,

2-րդ չափաբաժին՝ 542 013 ՀՀ դրամ,

3-րդ չափաբաժին՝ 472 083 ՀՀ դրամ:

✓ «ԲԱՅԱԶ ԷՆԵՐԳՈՇԻՆ» ՍՊԸ-ն «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի շրջանակներում ներկայացրել է գնային առաջարկ (կցվում է), որով առաջարկել է պայմանագիրը կատարել ներքոհիշյալ ընդհանուր գներով՝

1-ին չափաբաժին՝ 1 159 506 ՀՀ դրամ,

2-րդ չափաբաժին՝ 1 017 870 ՀՀ դրամ,

3-րդ չափաբաժին՝ 849 150 ՀՀ դրամ:

✓ Հայտերը բացելուց հետո պարզվել է, որ «ԲԱՅԱԶ ԷՆԵՐԳՈՇԻՆ» ՍՊԸ-ն և «ԷԼԵԿՏՐՈՇԱՐԺ» ՍՊԸ-ն *գնային առաջարկը ներկայացրել են միավորի գնով՝ մեկ պոմպի վերանորոգման համար:*

✓ Այնուհետև, Ընթացակարգի բոլոր մասնակիցները հրավիրվել են միաժամանակյա բանակցությունների, որի ժամանակ մասնակիցների կողմից, այդ թվում նաև «Անդրանիկ Գասպարյան» ԱԶ-ի կողմից կատարվել են գների նվազեցումներ:

✓ www.gnumner.am պաշտոնական կայքում հրապարակված չեն «ԷՋ ԶՕԸ-ԳՀԱՇՁԲ-21/05» ծածկագրով գնման գնանշման հարցման ընթացակարգի գնահատող հանձնաժողովի հայտերի բացման և գնահատման նիստի արձանագրությունները, ինչպես նաև բանակցություններին նվիրված արձանագրությունը:

✓ www.gnumner.am պաշտոնական կայքում 01.03.2021թ. Ընթացակարգի գնահատող հանձնաժողովի պայմանագիր կնքելու որոշման մասին հայտարարությամբ (կցվում է) սահմանվել է հետևյալը.

«Չափաբաժին 1

Գնման առարկա է հանդիսանում՝ էՑՎ 12-160-100 պրոպի վերանորոգում

/2	Մասնակցի անվանումը	Հրավերի պահանջներին համապատասխանող հայտեր	Հրավերի պահանջներին չհամապատասխանող հայտեր	Անհամապատասխանության համառոտ նկարագրություն
		/համապատասխանելու դեպքում նշել "X"/	/չհամապատասխանելու դեպքում նշել "X"/	
	«ԷԼԵԿՏՐՈՇԱՐԺ» ՍՊԸ	X		
	«Ռազմիկ Հովհաննիսյան» ԱԶ	X		
	«ԲՍՑԱԶ ԷՆԵՐԳՈՇԻՆ» ՍՊԸ	X		
	«ՄՐՆԽՐՈՆ» ՍՊԸ	X		
	«Անդրանիկ Գառգարյան» ԱԶ	X		

Մասնակցի զբաղեցրած տեղը	Մասնակցի անվանումը	Ընտրված մասնակից /ընտրված մասնակցի համար նշել "X"/	Մասնակցի առաջարկած գին /առանց ԱՀՀ/
1	«ԷԼԵԿՏՐՈՇԱՐԺ» ՍՊԸ	X	315000
2	«Ռազմիկ Հովհաննիսյան» ԱԶ		319000
3	«ԲՍՑԱԶ ԷՆԵՐԳՈՇԻՆ» ՍՊԸ		456000
4	«ՄՐՆԽՐՈՆ» ՍՊԸ		457320
5	«Անդրանիկ Գառգարյան» ԱԶ		865000

Չափաբաժին 2

Գնման առարկա է հանդիսանում՝ էՑՎ 12-160-65 պրոպի վերանորոգում

/2	Մասնակցի անվանումը	Հրավերի պահանջներին համապատասխանող հայտեր	Հրավերի պահանջներին չհամապատասխանող հայտեր	Անհամապատասխանության համառոտ նկարագրություն
		/համապատասխանելու դեպքում նշել "X"/	/չհամապատասխանելու դեպքում նշել "X"/	
	«ԷԼԵԿՏՐՈՇԱՐԺ» ՍՊԸ	X		
	«Ռազմիկ Հովհաննիսյան» ԱԶ	X		

«ԲԱՅԱԶ ԷՆԵՐԳՈՇԻՆ» ՍՊԸ	X		
«ՍՐԼԽՐՈՆ» ՍՊԸ	X		
«Անդրանիկ Գառապրյան» ԱԶ	X		

Մասնակցի զբաղեցրած տեղը	Մասնակցի անվանումը	Շնորհված մասնակից /ընտրված մասնակցի համար նշել "X"/	Մասնակցի առաջարկված գին /առանց ԱՀՀ /
1	«ԷԼԵԿՏՐՈՇԱՐԺ» ՍՊԸ	X	280000
2	«Ռազմիկ Հովհաննիսյան» ԱԶ		282000
3	«ԲԱՅԱԶ ԷՆԵՐԳՈՇԻՆ» ՍՊԸ		420000
4	«ՍՐԼԽՐՈՆ» ՍՊԸ		422910
5	«Անդրանիկ Գառապրյան» ԱԶ		811410

Շախմատին 3

Գնման առարկա է խանդավառում՝ ԷԶԿ 12-255-35 պայմի վերանորոգում

ԴԸ	Մասնակցի անվանումը	Հրավերի պահանջներին համապատասխանող հայտեր /համապատասխանել ու դեպքում նշել "X"/	Հրավերի պահանջներին չհամապատասխանող հայտեր /չհամապատասխանել ու դեպքում նշել "X"/	Անհամապատասխանության համաձայն նկարագրություն
	«Ռազմիկ Հովհաննիսյան» ԱԶ	X		
	«ԷԼԵԿՏՐՈՇԱՐԺ» ՍՊԸ	X		
	«ՍՐԼԽՐՈՆ» ՍՊԸ	X		
	«Անդրանիկ Գառապրյան» ԱԶ	X		
	«ԲԱՅԱԶ ԷՆԵՐԳՈՇԻՆ» ՍՊԸ	X		

Մասնակցի զբաղեցրած տեղը	Մասնակցի անվանումը	Շնորհված մասնակից /ընտրված մասնակցի համար	Մասնակցի առաջարկված գին /առանց ԱՀՀ /
----------------------------	-----------------------	--	---

		նշել "X"/	
1	«Ուազմիկ Հովհաննիսյան» ԱԶ	X	200000
2	«ԷԼԵԿՏՐՈՇՄԱՐԺ» ՍՊԸ		270000
3	«ՍԻՆՆԵՐՈ» ՍՊԸ		377400
4	«Անդրանիկ Գառապարյան» ԱԶ		764790
5	«ԲԱՅԱԶ ԷՆԵՐԳՈՇԻՆ» ՍՊԸ		849150

Ընտրված մասնակցին որոշելու համար կիրառված չափանիշ՝ նվազագույն գնային առաջարկ:

«Գնումների մասին» ՀՀ օրենքի 10-րդ հոդվածի համաձայն՝ անզործության ժամկետ է տանձանվում սույն հայտարարության հրապարակման օրվան հաջորդող օրվանից հաշվա մինչև 5-րդ օրացուցային օր ներառյալ ընկած ժամականահատվածը:»

• Բողոքի իրավական հիմքերը և հիմնավորումները.

Ա) «Գնումների մասին» ՀՀ օրենքի (այսուհետ՝ նաև Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 13-րդ հոդվածի 1-ին մասի համաձայն՝ գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ

մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

Մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

22 կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետև նաև՝ Կարգ) 32-րդ կետի 2-րդ ենթակետի համաձայն՝ հրավերով նախատեսվում է նաև, որ մասնակիցը գնային առաջարկը ներկայացնում է մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման:

Կարգի 51-րդ կետի համաձայն՝ պայմանագրի գինը կայուն է, եթե պայմանագրով նախատեսված աշխատանքները կատարվում, ապրանքները մատակարարվում և ծառայությունները մատուցվում են մինչև երեք տարվա ընթացքում: Եթե հրավերում և պայմանագրում նշված չէ, որ պայմանագրի գինը գործոնային է, ապա պայմանագրի գինը համարվում է կայուն՝ անկախ պայմանագրի կատարման ժամկետից:

Հրավերի 5.2 կետի համաձայն՝ մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա

ներկայացվող գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

Հրավերի 5.3 կետի համաձայն՝ եթե կնքվելիք պայմանագրի գինը կայուն է, ապա գնային առաջարկը ներկայացվում է մեկ թվով՝ պայմանագրի կատարման համար առաջարկվող ընդհանուր գնով:

Ինչպես արդեն նշել ենք, տվյալ Ընթացակարգով պայմանագրի գինը եղել է կայուն, Հրավերով պահանջվել է գնային առաջարկը ներկայացնել պայմանագրի ԸՆԴՀԱՆՈՒՐ ԳՆՈՎ, իսկ Հրավերին կից հավելվածով սահմանվել են վերանորոգման պոմպերի քանակները՝ գնային առաջարկում համապատասխան հաշվարկը կատարելու և պայմանագրի ընդհանուր գինը ներկայացնելու համար:

Հայտերի բացելուց հետո պարզվել է, որ տվյալ ընթացակարգի 2 մասնակից՝ «ԲԱՅԱԶ ԲՆԵՐԳՈՇԻՆ» ՍՊԸ-ն և «ԷԼԵԿՏՐՈՇԱՐՄ» ՍՊԸ-ն, գնային առաջարկը ներկայացրել են միավորի գնով՝ մեկ պոմպի վերանորոգման համար:

Հայտերը բացելուց հետո «Անդրանիկ Գասպարյան» ԱԶ-ն մատնանշել է գնահատող հանձնաժողովին, որ նշված ՍՊԸ-ների կողմից ներկայացվել են միավորի գներ, և նման դեպքում վերոհիշյալ ՍՊԸ-ները պարտավոր են ողջ պայմանագիրը՝ պոմպերի համապատասխան քանակներով, կատարել նշված միավորի գնով: Վերոհիշյալին ի պատասխան՝ գնահատող հանձնաժողովը հայտնել է, որ պայմանագիրը կնքելու է նումինալ՝ միավորի գնով, իսկ այնուհետև համապատասխան քանակի պոմպերի վերանորոգման պատվերի դեպքում կվճարի յուրաքանչյուր պոմպի համար նախատեսված միավորի գինը:

Նշվածի դեմ «Անդրանիկ Գասպարյան» ԱԶ-ն առարկել է և հայտնել, որ պայմանագիրը կնքվում է ընդհանուր գնով, այլ ոչ թե միավորի գնով, որը չի կարող է բազմապատկվել համապատասխան պատվերների քանակով:

«Անդրանիկ Գասպարյան» ԱԶ-ն գնահատող հանձնաժողովին հայտնել է, որ սպասում է համապատասխան արձանագրություններին, որպեսզի ներկայացնի բողոք:

Բողոքներ քննող անձի ուշադրություն ենք հրավիրում այն կարևոր հանգամանքի վրա, որ տվյալ ընթացակարգով ոչ մի արձանագրություն այդպես էլ չի հրատարակվել www.gnumner.am կայքում (կարծես թե, միտումնավոր):

Այնուհետև ծանոթանալով պայմանագիր կնքելու որոշման մասին հայտարարությանը, «Անդրանիկ Գասպարյան» ԱԶ-ն հայտնաբերել է, որ իր և ընդհանուր գին ներկայացրած մյուս ՍՊԸ-ների վերջնական, քանակցությունների արդյունքում նվազեցված գները և որոշմամբ ամրագրված գները չեն համապատասխանում միմյանց:

Մասնավորապես, նշված մասնակիցների ներկայացրած ընդհանուր գները գնահատող հանձնաժողովի կողմից կամայականորեն բաժանվել են պոմբերի պահանջված քանակի վրա՝ համապատասխանաբար 4, 8, 7, ստացվել են միավորի գներ, և նշված միավորի գները արտացոլվել են պայմանագիր կնքելու որոշման մեջ:

Այլ կերպ ասած, ընդհանուր գին ներկայացրած մասնակիցների զինը և պայմանագիր կնքելու մասին որոշմամբ ամրագրված գները չեն համապատասխանում միմյանց:

Վերոհիշյալը «Անդրանիկ Գասպարյան» ԱԶ-ի մոտ հիմնավորել է այն կասկածը, որ գնահատող հանձնաժողովը փորձում է միավորի գին ներկայացրած ՄՊԸ-ների հետ պայմանագիրը կնքել միավորի գնով՝ համապատասխանաբար պատվերի դեպքում բազմապատկելով միավորի զինը համապատասխան պատվերների քանակի:

Մինչդեռ գնային առաջարկից ակիայտ է, որ գնային առաջարկը ներկայացվել է պայմանագրի ԸՆԴՀԱՆՈՒՐ գնով:

Գտնում ենք, որ նման բովանդակության պայմանագիր կնքելու որոշում կայացնելիս, այսինքն ներկայացրած գնային առաջարկները փոփոխելով՝ գնահատող հանձնաժողովը դրսևորել է կամայականություն և թույլ տվել գնումների մասին ՀՀ օրենսդրության վկայակոչված պահանջների կոպիտ խախտումներ:

Բ) «Գնումների մասին» ՀՀ օրենքի 33-րդ հոդվածի 8-րդ մասի համաձայն՝ հայտերի բացման նիստի օրվա ավարտին հաջորդող առաջին աշխատանքային օրը հայտերի բացման նիստի արձանագրությունը հրապարակվում է տեղեկագրում:

Նույն օրենքի 34-րդ հոդվածի 9-րդ մասի համաձայն՝ հայտերի գնահատման նիստի ավարտին հաջորդող առաջին աշխատանքային օրը նիստի արձանագրությունը հրապարակվում է տեղեկագրում:

Այսպիսով հաշվի առնելով վերոյրյալը և հիմք ընդունելով www.gnumner.am համացանցային կայքի ուսումնասիրությունը, ցուցվածում ենք փաստել, որ Ընթացակարգի գնահատող հանձնաժողովի կողմից խախտվել է նաև Օրենքի վերոհիշյալ դրույթները, քանի որ Ընթացակարգի գնահատող հանձնաժողովի կողմից սահմանված ժամկետում և կարգով չի հրապարակվել Ընթացակարգի վերաբերյալ որևէ արձանագրություն:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՄ՝

1. Պարտավորեցնել «ԷՋ ԶՕԸ-ԳՀԱՊՁԲ-21/05» ծածկագրով գնման գնանշման հարցման ընթացակարգի գնահատող հանձնաժողովին դադարեցնել 01.03.2021թ. www.gnumner.am կայքում հրապարակված պայմանագիր կնքելու մասին որոշումը:

2. Պարտավորեցնել «ԷՋ ԶՕԸ-ԳՀԱՊՁԲ-21/05» ծածկագրով գնման գնանշման հարցման ընթացակարգի գնահատող հանձնաժողովին պայմանագիր կնքելու մասին որոշումը արձանագրել մասնակիցների կողմից ներկայացրած զինը (պայմանագրի կատարման ընդհանուր զինը):

3. Արգելել «Էջմիածին» ջրօգտագործողների ընկերությանը ընտրված մասնակիցների հետ կնքել պայմանագիր՝ միավորի գնով:

Գից ներկայացվում՝

1. Պետական տուրքի վճարման անդորրագիրը:
2. Անդրանիկ Գասպարյանի անձը հաստատող փաստաթղթի պատճեն:
3. «ԲԱՅԱԶ ԷՆԵՐԳՈՇԻՆ» ՍՊԸ-ի, «ԷԼԵԿՏՐՈՇԱՐԺ» ՍՊԸ-ի և «Անդրանիկ Գասպարյան» ԱՁ-ի գնային առաջարկների պատճենները:
4. Պայմանագիր կնքելու որոշման մասին հայտարարությունը:
5. «ԷՋ ԶՕԸ-ԳՀԱՊՁԲ-21/05» ծածկագրով հրավերը:

Հարգանքով՝

«Անդրանիկ Գասպարյան» ԱՁ

05.03.2021թ.

